



20 19 йил. « 18 » 10

№ 08-581

« ____ » _____ 20 ____ год.

**Ўзбекистон Республикаси Президентининг 2019 йил 3 октябрдаги
ПФ–5843-сон Фармони ижроси тўғрисида**

Ўзбекистон Республикаси Президентининг 2019 йил 3 октябрдаги “Ўзбекистон Республикасида кадрлар сиёсати ва сиёсати ва давлат фуқаролик хизмати тизимини тубдан такомиллаштириш чора-тадбирлари тўғрисида”ги ПФ–5843-сон Фармони ижросини таъминлаш мақсадида

БУЮРАМАН:

1. Ўзбекистон Республикаси Президентининг 2019 йил 3 октябрдаги “Ўзбекистон Республикасида кадрлар сиёсати ва давлат фуқаролик хизмати тизимини тубдан такомиллаштириш чора-тадбирлари тўғрисида”ги ПФ–5843-сон Фармони ҳамда Олий ва ўрта махсус таълим вазирининг 2019 йил 5 октябрдаги 910-сон буйруғи маълумот ва ижро учун қабул қилинсин.

2. Фармон билан:

персонални бошқариш соҳасида ягона давлат сиёсатини амалга ошириш ҳамда давлат органлари ва ташкилотларда инсон ресурсларини ривожлантириш учун масъул бўлган Ўзбекистон Республикаси Президенти ҳузурида Давлат хизматини ривожлантириш агентлиги ташкил этилганлиги;

барча даражадаги давлат органлари ва ташкилотлари раҳбарлари давлат фуқаролик хизматчиларининг меҳнат ҳуқуқларига тўлақонли риоя этиш, уларнинг шаъни ва кадр-қимматига тажовуз қилинишига ҳамда давлат фуқаролик хизматининг обрўсига таъсир қиладиган бошқа ҳатти-ҳаракатларига йўл қўймаслик тўғрисида қатъий огоҳлантирилганлиги;

2020 йилнинг 1 февралига қадар Ўзбекистон Республикасининг “Давлат фуқаролик хизмати тўғрисида”ги Қонуни ва “2030 йилга қадар давлат фуқаролик хизматини ривожлантириш стратегияси” лойиҳаларига таклифлар ишлаб чиқиш ҳамда Ўзбекистон Республикаси Президенти ҳузуридаги Давлат хизматини ривожлантириш агентлигига тақдим этилиши;

2020 йилнинг 1 декабрига қадар танлов натижаларига кўра Миллий кадрлар захирасини шакллантириш ҳамда давлат органлари ва ташкилотлари


кадрлар захирасини интеграция қилиш бўйича ишлаб чиқиладиган комплекс чора-тадбирлари лойиҳасига таклифлар тайёрлаш ҳамда Ўзбекистон Республикаси Президенти ҳузуридаги Давлат хизматини ривожлантириш агентлигига тақдим этилиши;

стажировкалар (шу жумладан хорижий) ташкил этиш бўйича миллий ва тармоқ дастурига мувофиқ истикболли давлат хизматчилари, шунингдек Миллий кадрлар захирасига киритилган шахслар рўйхатини белгиланган муддатларда шакллантириш ҳамда сўровга асосан тақдим этиб бориш вазифалари топширилганлиги инобатга олинсин.

3. Кадрлар бўлими (Э.Шерматов) университетда кадрларни танлаш ва жой-жойига қўйиш, кадрлар захирасини шакллантириш ҳамда улар билан ишлашда мазкур Фармон талабларига мунтазам равишда риоя этилишини таъминласин.

4. Мазкур буйруқнинг ижросини назорат қилишни ўз зиммамда қолдираман.

Адлия вазири
ўринбосари – ректор



Р.Хакимов